



話山先生詩藁卷之十一

七言律  
十一

七言律五十首

七言律  
十一

官舍雜咏

以下蜀道小  
草 乙巳

岷峨極塞接青雲  
路闢蠶叢境始分  
臘雪隔年猶下水  
秋山終日不停雲  
方城斗大烟嵐滿  
冷署冰寒鳥雀羣  
更喜遐陬仍簡略  
從無案牘藉神君

其二

江流萬里倒滄溟  
夾岸濤聲日夜聽  
一徑索橋空裏渡  
幾家蘿壁雨中冥  
乘釣未識江魚美  
倚樹猶傳鬼靈  
畫道邛筒能釀酒  
近來元亮已杯停

其三

話山詩藁卷十一

崎嶇匹馬到川西  
玉壘峯前芳草迷  
亂後人家多土屋  
日長官舍是山栖  
飄飄野卉隨風發  
滴滴園蔬帶露  
庭何日安仁花滿縣  
攜琴花下聽鶯啼

其四

一身萬里已辭家  
夢到江南路亦賒  
見說王尊驅九折  
不同司馬喻三巴  
殘邊盡入周王會  
循吏空將漢史誇  
此地官閑容政拙  
依然麋鹿伴煙霞

壽崔威州

自註九月  
初六日

九峯佳氣鬱千盤  
雙鹿隨車映雪看  
時近重陽風日

麗天迴甲子斗光寒籬邊汎酒尋黃菊山畔逢書寄  
紫鸞此日高燒紅蠟燭香烟直上五雲端

丙午八月十五夜

以下  
丙午

風雨中秋憑眺孤峰黯淡影模糊驅僮藝了閑拋  
杖燒燭吟殘醉倚壚萬里崎嶇驚蟋蟀一官笑傲興  
江湖不知今夜西川月還照天涯客夢無

其二

終日茹齋一老瞿季鷹何事憶蓴鱸自從岷水濤添  
淚再見秋風雪滿鬚羗月籠烟迷倦眼荒林過雨起  
棲烏莫愁蜀道君門隔只想中天懸夜珠

其三

揚子江頭八月濤遠從三峽建瓴高到老巴國猿身  
苦空負華亭龍價豪月隱塞雲埋玉鏡劍合秋水冷  
綵袍遙憐舊日南樓侶此夜何人共濁醪

其四

西風颭颭入荒廬秋徑蕪深帶雨耒三戶伶仃逋國  
稅百年遲暮斲家書難逢皓魄天邊好苦憶高堂膝  
下虛無處寄聲孤宦蹟筴時初服賦閑居

秋日思親

三載庭闈客夢中歸心轉急聽寒蟲飄零白髮加餐

切散盡黃金捧檄空千疊雲山催落日一行鴻雁逐  
淒風門前五柳栽須蚤莫待南窓秋草叢

得家書

千山何處見斜陽十月寒花菊又黃身到故園驚夢  
淡絨開隔歲引愁長尚平婚嫁猶能遣范史飢寒敢  
自傷惟願乘風依日馭朝朝鳥影上高堂

觀王玉壘寒泉碑銘

以下  
丁未

春風匹馬涉荒垌披棘搜遺訪古銘雙井已堙新草  
綠百年空對舊山青文章自昔高詞苑聲價於今擅  
驛亭盡道寒泉公獨愛誰知羗塞地還靈

詒山詩葉卷十一

天臺石

自註舊於石上構天  
功寺汝川八景之一

三

削成四面聳崇臺疑是諸天雲擁來舊日梵宮收勝  
覽獨留寶地出餘灰平臨壘障烟嵐遠接奔濤風  
雨催登眺自來躑躅逸興高歌何藉簿書才

七星關

汝山古郡障西川鑿險纔通一線天雲覆半巖疑亦  
隊虹飛斲嶺勢難連雙鞋虛度生千浪一騎斜行失  
並鞭莫向世人嗟蜀道看余高倚井參邊

寒食

羗塞春風雪滿山家家剪紙踏春還干戈亂後餘荒

塚城市墟時祇破闌草色兩添枝  
裊娜烏聲風送語  
綿蠻江南拜掃同佳節  
獨滯西川兩淚潛

龍洞口觀水決處隊馬折腰

秋來霖雨漲龍溪  
兩耳驚雷似鼓鞞  
風馬雲車天外度  
烟巖霧壑水同栖  
行逢斷岸飛濤接  
身到窮途淚眼迷  
舉世折腰君莫笑  
獨傷駭足困塗泥

其二

誰憐薄宦極川西  
况是思親血淚啼  
盡日孤行逢水怪  
連陰萬里失天鷄  
眼看新漲歸流駛  
愁倚層雲去路低  
短髮不堪梳  
隨馬此行何事滑  
雙蹄

雨下娘子嶺跌

危巔崩溜斷行途  
下馬蹙趨着力扶  
此處芒鞋真不借  
却忘筇杖一支吾  
謝公空想遊山屐  
羽士誰傳禁水符  
三折賢良仍吏拙  
移山未就久成愚

懷蔣虎臣夫子

憔悴東湖一老漁  
愧從先世論交書  
都門揮涕驪歌急  
蜀道懷人雁字虛  
頻慰北堂留舞綵  
却憐西塞去單車  
三年遠宦親恩斷  
何日重瞻太史廬

九日

山高木葉帶微黃  
萬里霜寒一草堂  
短髮那堪頻落

帽孤吟誰復探携囊倚閭今日人何處縻跡天涯雁  
失行陰雨綿綿思無限况兼風景又重陽

依前韻又作

今年菊序蚤呈黃忽憶秋萱遠北堂回首白雲空倚  
杖滿山紅葉入詩囊江湖夢裏人孤棹邊塞愁多淚  
幾行身在西南最高處登臨何日不重陽

蜀都懷古

莫說蠶叢開國年蜀都飛勝已茫然荒雲久沒支樑  
石蔓草長迷濯錦川八陣圖虛殘壁壘三城戍斷暗  
烽烟羣雄割據成灰土白馬黃中更可憐

憶浣花溪作

浣花溪邊憶老翁詩卷長留錦川東昔日草堂兵戈  
後頻年羗塞水雪中不堪羈旅同苦調還遲衰病扶  
悲風長安渭水今在否回首風塵思何窮

舊州

中戊

即古龍州也城郭湮不可訪僅州治碑蹟滅  
沒麥壠中學碑紹興年尚有可讀蓋前後五  
代迄唐宋相沿明時改建龍安府州遂廢

古塞巖城世已移空餘麥壠動人思夕陽祇見牛羊  
下殘碣偏多雨雪時滿目羗山消睥睨隔江茅屋棟

郵旗停鞭欲訪陰平道野老淒涼話舊基

輓嚴太母

以下東歸後  
作戊申

雲車縹緲駕層霄仙樂凌空奏九韶西母池邊纔宴  
罷麻姑壇側忽香消雕弧翠管墳篋竝盡省烏臺弓  
冶遙回首滿床餘象笏長懸婺宿照江湖

沈太常先生八十生子

巳酉

童顏皓髮宛神仙八十猶然美少年莫怪蘭徵逢歲  
晚恰如梅信占春先玉麟自合來天上金馬於今有  
世傳屈指一宵添一歲蚤看萊舞草堂前

送臯旭北上

庚戌

依依楊柳送君行一望鶯花上

帝京日麗鳳樓驚

國士雲飛鯤海見平生莫忘今日湖濱老猶記當年  
壇坫名此去若逢相識問為言松菊久要盟

甲寅壽古笠和尚

甲寅改

杖策西來謁遠公憐余白髮也成翁真僧出世能高  
臘大隱今時多苦空瓶內拈花飛作雨臺前說偈吼  
成風名山縱有長生訣只在無生彈指中

冬日依韻奉酬熊懷遠見貽之作

丙辰

衰年抱膝偃長林忽枉高軒慰野心七澤君文雄獨  
擅三江客棹興偏深抬提覓徑陪山屐草閣臨流接

遠音手把琅函吟未足誰言屈宋勝於今

其二

蕭疎旅館隔寒林撥棹相看物外心門下立逢遊屐  
返佛前坐對日光深人還蜀國無生計鴈過荒城空  
好音君莫詩成誇白雪雪山驚夢到如今

其三

君自才高翰墨林何緣薜荔結同心天教海日三冬  
暖人與荆江千尺深看取旂常懸偉業莫將山水廢  
清音澧蘭沅芷情無限千載懷人一古今

懷顧茂倫

丁巳  
下同

話山詩集卷十一

七

觸眼羣英冠蓋新衡茅猶得見君身丹黃惟爾詩中  
老青白由他世上人地入五湖容釣叟家徒四壁失  
錢神門前何事車聲滿應為名高候謁頻

懷黃使君

宗人有自毫歸者具述雅懷兼道牡丹之盛

率賦二律寄呈斧正

井度襟期迥不同繩州三載慰相逢當年杯酒傾雙  
抱此日鬚眉成兩翁憐我形枯惟藥竈傳公口語即  
書筒含飴膝上遲春日想像龍孫在眼中

其二



聞道花王擁使君名園旭日從如雲知將艷色供毫  
審擬借天香染練裙北地繁華分異種南天窈窕慰  
離羣憑他姚魏多佳麗不及黃家錦繡文

許初白六十

戊午  
下同

河汾片席聚英豪經國文章著述勞海畔幽棲憐皂  
帽座中高論傲青袍看山携杖秋今始載酒尋芳菊  
晚遭指點羣賢多入室遲開東閣並遊遨

九日小齋獨坐

老去秋深令節催坐消蓬室思難裁從他載酒趨高  
會獨自攤書避俗埃有閣未登人故嬾無花相伴客

話山詩藁卷十一

八

誰來風烟着意欺雙鬢為掩柴門靜不開

九日集半雲閣

己未

昨夜寒風侵枕席朝來重九又高年倚筇脚病難憑  
地挹盞肩開揔任天容屐懶迎成雅集酒中頻脫刺  
霜顛莫嫌近市居偏陋閣外遙峯俯碧川

戊午壽陳雲木七十

自註庚申補  
以下庚申

年少多君結契親草廬日月易沉淪衣冠亂後人偏  
古丘壑塵中興更真門掩蓬蒿空對宇鼎烹芝朮有  
遺民稱觴恰喜君先醉十月春風次第新

余遜一載稱七  
十同小春之月

賦贈澹廬諸子

不逐浮雲心自高鳳池麟閣摠鴻毛  
逃禪性解三幡會學道身輕五嶽招  
溷世豈容君獨醒孤踪翻喜有  
同曹相逢莫說鬚眉古携手烟霞興益豪

生兒自嘲

生兒何定少年時鶴髮猶然熊夢期  
靈棗千齡能結菓喬松百尺更添枝  
童顏莫笑生來似兒齒還憎汝  
共遲看取明珠擎掌上幾年雲雨向天池

其二

七十年來心跡違山林朝市事俱非  
不圖鳩鳥扶藜日又見麒麟摩頂歸  
老欲傳書猶秉燭兒能繩武只  
潛幃再過七十身仍健看汝堂前著彩衣

話山詩集卷十一

九

其三

漢廷孝弟是賢科千載文章不及他  
大被自然容綉襦同堂真合有笙歌  
老甘菹水誰能養生愛崇花着  
意多歲月易馳空老大龍駒千里莫蹉跎

龍吟閣

丑乙

雕甍繡栱出城闌東接扶桑旦復新  
海上烟雲連蜃氣湖中日月晃龍鱗  
珠樓對湧千帆轉寶塔平臨萬  
象均檻外潮頭驚欲立蒲牢一吼滿江春

其二

龍翔萬仞嘯天門，幻作龍宮天半騫。  
游戲三山吞日月，飛騰九派撼乾坤。  
高懸城闕憑虛構，獨峙宮牆據勢尊。  
恰值鳳巢麟藪日，四靈在宥樂文園。

趙廣陵六十枝繙用三十初度原韻為贈

丙寅

蕊雲香雨淨飛塵，悟盡靈明不染身。  
佛面自然呈滿月，道心不斷足長春。  
詩書舊澤龍門遠，杖鉢新傳獅子頻。  
從此醍醐沾上品，不因世味辨勞新。

伯兄侍御岫青公暨從姪司李墨濤神位同入

鄉賢祠感而有作

丁卯

回憶禮闈雙擢年，荒天瘦日淚潸然。  
伍胥潮落菟猶

話山詩集卷十一

十

怒鐵鉉城孤節倍堅，疇昔乾坤飛羽箭。  
一京南北隔烽烟，由來祭法褒勤事况。  
有水壺鷲類懸

沈子周七十壽言

己巳

霜天錦樹滿西池，正值華堂介壽時。  
長水高門千里駿，吳興遙胄四聲詩。  
遊邀山水文增價，投分英豪口作碑。  
彩管霞箋飛墨雨，羨君七十髮猶緇。

九日

庚午

今日渾忘重九日，籬花未破酒杯乾。  
年過八十腰難健，病到三秋帶易寬。  
怕揀萸枝嫌髮禿，欲尋糕字媿吟殘。  
手持印竹聊扶老，莫作登高倚杖看。

其二

偃蹇早棲莫自憐，登高會有曩賢年。  
綠酒青山在處處，黃花白髮煎秋色。  
庭前老更麗，遺書架上久偏傳。  
塵中甲子應難記，好向空山伴奕仙。

春日有感

辛未下同

龍鍾八十可誰憐，盡日孤吟花柳邊。  
豈有分金娛歲晚，能無連萼憶春前。  
舊肴隣舍兒童大，新卜城隅屋角偏。  
處處黃鸝人作伴，獨凭鳩杖結生緣。

祝亮周暨李安人六十雙壽

蟠桃共蒂，瑤池獻靈。棗同枝，蓬海來今日正逢雙壽。

話山詩藁卷十一

十一

宴他年並進百齡杯，庭前桂藥迎秋馥。  
堂北萱花帶雪培，紫誥黃封映舞袖。  
兩週算甲又重開。

其二

君身自是島中仙，家住蓬萊東海邊。  
蒼鹿並遊玄圃內，青鸞對舞錦堂前。  
麻姑進酒行仙饌，神女吹簫坐醉筵。  
盡向遙天觀合璧，金烏玉兔好雙懸。

壽宗人畏巖七十時壬申九月

壬申

季秋景物畫佳時，又見黃花開滿籬。  
豪飲屢添長壽盞，高懷能賦醉中詩。  
授衣此日披仙氅，築圃他年採玉芝。  
最喜天倫饒樂事，貽孫翼子認相宜。

陸母貞烈嚴孺人

甲戌

秋風何意入金塘，淒切眠莎比翼霜。膏髮梳雲剛一載，冰心筋玉已千行。鴛衾縷斷驚殘夢，鵲鏡光沉罷曉粧。昔日加餐令絕粒，祇餘哀怨繞枯腸。

祝胡朗行六十雙壽

乙亥

伯始中庸瑗也，師君家才德冠當時。繩先自有千秋業，裕後常懷百歲思。花甲又從今日始，長庚恰與婺星期。堂中偕老人，倫樂膝下斑衣介壽卮。

七言排律四首

張罷因招同陳道掌諸子觀劇令弟佳嗣在坐

詒山詩集卷十一

十三

以下南征草

崇禎庚辰

甘泉奏罷錦袍回，黼黻應嗤襪線才。接席聯翩金谷會，披衿掩映玉山堆。繞梁頻聽歌聲轉，刺燭空慙詩句催。花萼舊聞堪一集，鳳雛新覩喜傳杯。紅裙絳帳遙相妬，龍蠶香螺幾次猜。知已不煩投轄飲，傾懷直待夜珠來。

謝王東里先生叙拙集

辛巳

聖主優容愛老臣，明農暫許歸丘壑。四朝忠亮襄六龍，九列威嚴立一鶚。幕燕惟知依棟梁，繩樞詎幸親臺閣。大人未賦夢空勞，幼婦經題思轉錯。自咲囊中

溲洩多誰言手裏麒麟縛古來國士感相知拂拭長  
鳴動心魄

戲贈晚青王較書用諸子限韻

北歸後作  
甲申

暖日輕風夢正優  
朦朧頻喚語聲偷  
艷光欲起芙蓉  
睡香粉宜啣燕子  
羞眉意澹憐春色  
重歌心高壓碧  
雲抽巫峯隱現  
何能到洛水神光  
未易述天願  
有情容不老  
花嗔無主室  
偏妾空驚落帽狂  
難藥應愛腰圍瘦  
可揉妬殺東家  
趣長短一分增減  
曲于鈞

其二

風騷千古一能優  
好向詩家把意偷  
蝴蝶酣時迎露

話山詩藁卷十一

十一

咲鴛鴦深處傍花羞  
翠翰玉澤嬌難壓  
梅藥蘭芽香  
暗抽湘水裙拖雲  
雨散崑山聲引鳳  
凰速投梭未許  
俱同謝變服何妨  
偶學婁齊婁道乃東陽女子變服為丈夫能奕  
又解文義仕至揚州從事後事發始作  
婦人服晚青時男服演  
劉且辭莘墨故及之  
離恨幾重心獨忖  
香脂百和手初揉  
春來徧地生芳草  
行徑牽衣步步鈞

話山先生詩藁卷之十一終

辛巳十二月旌  
德劉聖立書

話山先生詩藁卷之十二

五六七  
言絕句

五言絕句二十首

曉行

以下南征草  
崇禎庚辰

日色窺山隕，輕烟籠四林。殷勤宿鳥喚，莫使曉寒侵。

彈子磯

自註山半有穴，世傳黃巢  
彈子所破。辛巳下同。

行雲浮上下，但見飛鳥翔。關弓不敢放，莫使學黃郎。

山頭初月

清光吐山影，明鏡壓眉梢。半面羞人見，粧餘怯露敲。

雨過唐樓

以下北  
歸後作

積雨凝重翠，輕雲露淡黃。蛙聲農築病，短櫓過橫塘。

拭鏡

癸未  
下同

話山詩藁卷十一

團團明月鏡，嘗照汝顏色。日久塵不開，相見愁相憶。

新月

新月又如此，佳人不再來。傷心千萬種，顛倒向誰裁。

晚次延陵

寒鳥迎風宿，虛舟載月過。毘陵城驛古，夜夜夢關河。

秋月

以下康熙甲  
辰入京師作

萬里高秋月，長安只自看。清輝何太苦，應帶北庭寒。

月下

明月東南飛，飄搖從故里。因之風露多，莫訝涼如水。

月

白日畏塵沙清宵獨到此高懸霄漢間孤情故無比

春思

以下蜀道小  
草兩午

裊裊楊柳枝春風不自持感君昔日意是妾夢回時

率然堂諸咏

丁未

斯堂為明兵使者謝公朝宣構也前有石標  
名而鐫詩於碑今亡矣名亦間磨滅就可識  
者各咏之

飛來峯

突兀一峯秀雲去不復覆試問何年來長者消白晝

盤駝石

話山詩葉卷十二

二

橐駝來何方終日卧舍旁不解駝峯味依然白玉漿

寄傲石

倚石仰雲霄心在萬仞上高嘯發清飈邊塵不敢向

試劍石

吾有切玉刀藏之不輕試含鋒已三年先顯石上字

晒書石

萬卷不攜來攤書眠石上蠹魚會成仙禹穴還相訪

伏象石

巒方有奇獸見肉不見骨變作蓮花根長依佛玉窟



子象

大象不肯奔小象不肯立兵革偃西南邊軍脫袴褶

九月廿三夜夢作

東歸後作  
庚申

楚天多暮色紅葉滿重陽不盡西風意先飛兩鬢霜

又

月到秋來白峯過雨後青飛塵天地隔傲睨一山亭

六言絕句一首

贈來度上人結茆

順治  
初作

踏破雲烟幾處杖頭不帶溪山古佛千年跌坐擲瓢

掛衲常間

話山詩藁卷十二

三

七言絕句一百四首

青浦道中

崇禎  
年作

水空寒浸霜天月藻影波光如濯髮雲母屏間誤問

津水晶宮裏輕施筏

其二

遠青落照山無骨暮靄流光波有心玉女搗衣應借

潔神姬結襪欲相尋

魚鷹

以下南征  
草庚辰

劈空作勢駭碧潭陡起黑風白日吸濺肉飛鱗飽毒

威鷓鴣歎息不可及

臘月山行曉雨桃蕊盛放

初沐螺粧靚未真朦朧睡起恰差顰桃花已被臘脂  
染不待春風先笑人

甘露亭風雨

以下  
辛巳

雲巒吞吐勢多端水白連潮帆影寒天際歸聲帶烟  
語臨危眇眇客吹單

飲龍山茶

潭南春色入山早况此龍山山不深蒼苔摘來凝翠  
露社前獨占雪甌斟

寒舟

詒山詩集卷十二

四

一聲落雁萬山紅老樹翻新笑錦叢江冷莫尋鱗腹  
字月魂驚斷木蘭賦

滕王閣

一江澄霽日光浮爽氣西來拂舊眸還憶當年歌舞  
事吟殘題句古今愁

寒鳥棲古樹

一從秋葉遠辭去幾度霜親與雪依最是黃昏驚窸  
戾鷓鴣猶聽數枝歸

其二

山情澹澹望蒼茫凍月微黃老幹長影落參差萬點

黑曉寒夢淺破殘霜

新柳

以下北歸後  
作癸未

柳色青青到處暄此情此日更難論  
芳菲不向幽魂惹  
寂寞春光照淡痕

海棠

粉舒紅斂為誰嬌  
春色如前恨未消  
應是不知人已去  
猶將斜挿舊雲翹

即事

愁來裁句詩無律  
醉後銷魂夢有情  
花草年年誰是主  
東風無賴怨黃鶯

話山詩藁卷十二

五

伯兄代巡七閩簡寄

甲中  
下同

聞道七閩真繡衣  
畫驅墨吏起彫饑  
即今海國非無事  
夙夜綢繆答紫微

庭梅

別得梅花剛一載  
此生重傍雪霏霏  
相思已作師雄夢  
不見當年翠羽歸

舟過吳門

客思連朝春雨孤  
闔閭城下水盤盪  
乍聽簫鼓人如夢  
夜半鐘聲到枕無

題心公方庵

順治  
初作

結茅河畔水雲多竹石清幽任嘯歌戶外不妨車轍  
滿直教斗室見維摩

挽吳扶九

乙未入京  
師作下同

草堂昔日共論文風度翩翩誰似君海內盡知吳季  
札何年重溯太湖濱

其二

悲砧哀管裂邊聲吹斷江南芳草生獨有楊徐遺淚  
在好從地下說交情

其二

典子結交當少年介生左之醉君筵十年不見俱彫

姑山詩集卷十二

六

落愁對黃公舊酒前

其四

吳江月落夜潮鳴震澤雲生秋草平已厭塵寰甘寤  
寔何須天上更題名

夏杪將出都門得亡女信哭之

明朝客路動三千接得緘書寒食天痛哭汝魂離不  
得故來馬首促歸鞭

其二

二月黃鶯啼杏花高樓長閉碧牕紗相離十日空回  
首望斷清秋燕子斜

其三

憶昔提携髮覆肩，飄零喪亂嘆經年。  
粧臺那得真珠贈，惟有鮫人淚未圓。

其四

十載于歸未夢蘭，素幃丹旆影偏寒。  
當年擇壻能相慰，白首誰同菡水歡。

舟中立春逢雪

以下南歸後作丙申

孤舟細雨水潺潺，臘入新年雁未還。  
為惜春光輕漏洩，一天飛霰蔽江關。

唐樓道中

話山詩藁卷十一

七

濕雲晴雪映桑田，綠水青山又一年。  
估客往來渾不識，笑人惆悵夕陽前。

悼亡八首

春光窈窕對斜暉，小閣東風長掩幃。  
祇有舊時雙燕語，喃喃猶自送鶻飛。

其二

蘭膏未盡爇爐煙，彷彿燈前人未眠。  
今夜挑燈誰共語，一聲哀雁落天邊。

其三

手持鸞鏡拭青絲，初學飛鴉墮馬時。  
不知鏡裏曾留

得空倚粧臺百轉思

其四

灼灼榴花拂畫椽  
湘簾高捲碧牕前  
停針無意薰風入  
珠淚雙垂團扇邊

其五

相逢本擬緝荷裳  
詎羨門庭繫驢薊  
北江南萬行淚  
歸心悵望月蒼蒼

其六

八月江濤送客舟  
征衣卸盡未消愁  
霜天一夜催蒲柳  
慘淡先經紅粉樓

話山詩話卷十二

其七

經年憔悴倚闌干  
整得珠兒掌上  
看春風飄落絮  
又將秋草萎湘蘭

其八

謾學鴛鴦繡錦衾  
休言長命結同心  
君身自是西流月  
不惜清光夜夜沉

送家介庵之任金谿

丁酉南  
歸後作

大江西上海雲開  
一片秋帆帶雁回  
雁自隨陽君自渡  
人言日影傍君來

其二

南浦風光近若何  
豫章遙望鬱嵯峨  
即今桃李千株  
樹不比君家舊日多

其三

吳楚宗支一派通  
珠巖繡谷訪遺風  
宦遊仍是依鄉  
土何事思鄉歎轉蓬

其四

臨川內史舊風流  
暇日詩篇到處留  
千載墨池渠獨  
有君今割取作鴻溝

甲辰除夜途次

康熙甲辰

燈火連天春漸回  
客心何事擁寒灰  
鷄聲為報正元

話山詩集卷十二

九

節莫道尋常逐曉催

其二

寒燈欲盡不禁愁  
客裏年華又一周  
今夜鄉心何處  
寄春風吹入五更樓

楊泰初孝廉塞園即事

以下蜀道小  
草丁未

一枝紅杏滿庭陰  
蕩漾春風芳草心  
醉倚石床渾不  
醒漆園夢裏更追尋

其二

寂寞揚雲好著書  
問奇今日我何如  
盤中烹得鮮鱗  
膾風味能高丙穴魚

其三

清泉新汲火微紅  
甌淨茶香味不同  
不是吾家耽嗜癖  
那知瑞草有奇功

其四

數點催人雨忽來  
主人情重更啣杯  
歸鞭不怕泥蹄滑  
好把蘭芽帶雨栽

楊妃梳妝樓

問道妝樓舊有基  
空山寂寂繫人思  
馬嵬一別魂應斷  
不得重還生蜀時

其二

蜀州司戶蚌胎珍  
異日雲鬟號太真  
墮水池邊草已沒  
梳妝樓畔土為塵

娘子嶺

語兒溪東遠辭家  
娘子嶺北行作吏  
試問當年傾國姿  
何如霸越西施智

其二

千仞高崖不易攀  
清泉數道日潏湲  
為憐羣玉山頭貌  
猶似聲聲喚玉環

宿灌縣

千山應盡下平岡  
繫馬斜陽草舍傍  
一片黃茅遮廣



莫獨留虎跡印清霜

宿郢城

跨塞長途病不支  
喜逢逆旅夜眠遲  
玉乳滿缸香撲鼻  
無人學得釀醅醅

其二

杜宇城中古栢森  
竹亭茅屋帶深陰  
山公何處遊雙屐  
羸得稽康懶慢心

病坐成都邸舍

獨坐茅簷日已西  
三年關塞歎雞栖  
庭羸剩得支離骨  
萬里歸人愁馬嘶

其二

話山詩藁卷十二

十一

一枝暫借泣羈人  
冷落寒江水雪身  
誰道蜀山饒百草  
方書空憶藥囊貧

其三

夢魂猶是拜慈親  
東望雲山拄杖頻  
到日麻衣身盡白  
爭看雪嶺一歸人

旅感

落葉飄風驚客心  
雲霾城闕對重陰  
寒鴉一陣冲天起  
三匝依然遶故林

其二

冽冽寒風漠漠天錦官城內轉凄然紛紛絲管今何處一雁孤鳴蜀國絃

不寐

戍鼓鼕鼕夢未成白頭孤子淚雙傾無官已作家山計錦水翻為不夜城

望眼

遠膝慈幃望眼穿春風拜別彩堂前忽思舊日棲梁燕今日卽泥下墓田

歸路

歸路迢迢淚不休泉臺何計解親愁音容萬里思如

諾山詩藁卷十二

十一

昨昨夜板輿到益州

初入寧羗境

以下戍中

千迴萬轉澗邊行淚眼模糊看不明借問東歸何處去梅花一路是前程

樊河橋

自註誌云樊增建在馬道東

舞陽功業在橫戈架石成梁豈足多千載行人爭解事碑中猶是說樊河

馬道東渡河有蕭相國追韓信至此碑

當年楚漢決興亡相國追賢帝業匡獨怪他時雲夢計空慙碑字立溪旁

孫家渡

桃花深處有人家  
麥菜青青夕照斜  
洛水環流向東去  
行人二月路猶賒

清明

驢背春光行欲盡  
梅花開過又桃花  
清明昨日多風雨  
東路雲山處處遮

春風

春風拂面醉行人  
遊子偏傷東道塵  
目斷倚閭何日見  
龍鍾馬上淚沾巾

其二

話山詩藁卷十二

十三

萬里寒官一腐儒  
弊裘穿屐影踟躕  
獨憐九十春風裏  
日趁雞聲看海烏

照鏡

驅馳蜀道又三秦  
露宿霜行衣滿塵  
今日顰顏添白髮  
忽驚鏡裏是何人

途病

吳山越水雨茫茫  
枕上還能繞北堂  
最是不堪攜病處  
半天炎日五更霜

鸚鵡輓詞

鷺脰湖邊日漸西  
碧波青草小舫齊  
六千里外同行

客今日辭君獨自栖

其二

千巖萬壑路間關  
孤客蕭條爾伴還  
擬向小牕開共語  
却同靈鷲送潺湲

其三

三月春光今日盡  
艷陽桃李在天涯  
憐春無計留春住  
不惜能言逐歲華

其四

三載窮愁音不通  
夢回惟汝語瞳矐  
到家怕說窮愁事  
寤寐無言下碧櫳

話山詩藁卷十一

十四

其五

雖道幽泉隔數重  
也能片刻到從容  
似因慈母思歸切  
先報來朝萬里蹤

其六

汝在靈山第幾峯  
東來雲水偶相從  
莫言此去魂無定  
慧性長存見碧丰

自嘲

以下東歸後  
作丙辰

堪悲白髮老蕭蕭  
獨坐空齋閉窳窳  
莫怪敲門人到  
無人到此不頭搖

挽于甘山

辛酉  
下同

由來龍性最難馴，  
蠖屈猶藏滄海春。  
弱踏乾坤容不得，  
霎時雲雨隱全身。

其二

我肩巔雪不沾塵，  
高潔如君萬古新。  
媿殺蠅趨污濁面，  
更嗤山鬼也呈身。

其三

敬通坎壈家何在，  
伯道遭逢天可無。  
誰似君身能却累，  
藥寮禪室半江湖。

其四

卜居未得買山眠，  
浪跡仍無種秫田。  
曉磬晚鐘隨處

話山詩筆卷十二

十五

穩行藏，祇有杖頭錢。

其五

少年書法畫兼神，  
筆底龍蛇頭後身。  
閑寫山林興不淺，  
偏能畫出避秦人。

其六

弱冠從君共硯田，  
榛蕪闢後見源泉。  
看君萬斛真難量，  
散盡珠璣成逝川。

其七

百家漁獵有奇詮，  
囊括乾坤萬象全。  
八十五年猶秉燭，  
還將問道白雲邊。

其八

亂後辭家不記年，偶逢故舊話纏綿。  
伶仃白髮生存少，老健如君又絕絃。

其九

年來一榻伴閒宵，欲挽晨食不可招。  
今日遺踪何處覓，五更夢斷雨瀟瀟。

其十

淚灑遺編不可收，多君萬卷勝方州。  
莫將千載文章價，斤作長波一水漚。

十月十四夜夢有以冷茶索咏者

自註不用題字

話山詩藁卷十二

十六

疑是水漿味，又香清流一道潤。  
枯腸廣寒宮裏春雷，英應比人間分外涼。

其二

烹來玉液貯清甌，寒到如泉色更幽。  
不是神仙津自咽，誰能冷却百煎憂。

其三

從他百沸關心長，片刺澄觀事可忘。  
舉世盡貪人熱味，何人嘗得此中香。

四川雜咏

辛未下同

極塞窮邊一病身，三年夢裏拜慈親。  
可憐萬里秋天

月同照東吳西蜀人

其二

荒城寒應傍江源  
淚滴寒江迸水奔  
幸得雙珠刺有淚  
也隨江水到家門

其三

錦江無日不東來  
直下瞿塘灩澦堆  
遙望海門六千里  
滄波朝夕打潮回

有所贈

筆掃千軍立將臺  
高塞文幟擁風雷  
更能提鼓親行陣  
萬里銘勲奏凱回

話山詩話卷十一

十七

其二

孫吳原不是麤才  
筆陳縱橫奧義開  
兵法由人多巧合  
賦詩長嘯亦雄哉

題抗雲秋海棠墨筆

癸酉  
下同

綽約芳容想未真  
裊紅墜粉色難勻  
君家墨瀋從何得  
一片秋懷咽露津

其二

風簷雨砌不勝情  
寫出幽姿百媚生  
何事紅粧偏黯淡  
淺描深抹更誰評

其三

洗却丹青只任真風清露白倍精神人間脂粉輕憔悴祇許天工閱世新

其四

秋來庭草也傷神憶昔蘭堂洗筆塵一幅秋容香窈窕墨花落處淚痕新

抗雲弟於癸酉夏云  
亡展畫不勝悽愴

于今

聞說于今有直臣拚將一劍劈臣身剛腸萬古奇男子不似朝秦暮楚人

其二

漳海曾聞有直臣遺風猶得見君身光寒三寸冰霜

詒山詩藁卷十一

六

舌甘作刀鋒劍鏗人

其三

吁嗟萬里一孤臣苦讀詩書學致身舉世闕然談孔孟獨能禦侮賴斯人

抱病

以下乙亥  
冬病中

昨夜堅冰透骨寒相來伏枕未能餐日高窓上隙光入喜得陽烏照病顏

其二

春風秋月已蹉跎半倚荒廬半倚疴生平耆舊今誰在老去孤懷奈爾何



咏史

漢家天子重邊功  
志過狼胥跨遠封  
幃幄一時多秘策  
獨傳卜式也奇逢

詒山詩藁卷十二

十九

詒山先生詩藁卷之十二終

辛巳十月旌  
德劉聖立書

詒山先生文集卷之一

呈稟 敬

呈一首

請繳衣巾呈詞

自註甲申六月初九日 李云第一起

呈為繳納衣巾以勵士節事竊惟春秋嚴臣子之義責備在賢禮記列儒行之文守道為重牆高數仞環四輔而尊師泳別九流約五儀以定品自非材體弘贍何敢漫擬登堂行略端融馬可遽稱高第是以孔光張禹寧乏經學許衡吳澄亦有儒名迺或媚私害公

敗更何棟於槩觚邇者國難異嘗大變猝發負之赴

詒山文集卷一

一

海莫見秀夫衛而登車竟無秘結或盡讀書而不識字誰云大儒而且知兵昔王蠋布衣猶能絕脰巨翁太學且至闔楚安有列衣冠之林被詩書之澤桴榮忘誼偉竇裂維某世荷國恩性限天植雖揮戈有志實無指日之能迺走檄未長豈有愈風之技食餼一十五載難忘養士之隆上策二十六篇無補匡時之論矧茲普天同憤所謂入地猶遲上不克效義旅之能終難貌得宏詞博學尚媿名虛循分自揆捫心重慮在今伏而鬻序既慙身任天下之秀才即使偉而

科舉難信不負所學之名喬朝廷攬賢正切學宮造  
士方嚴詩書非護身之符衣冠寧戡亂之具詛難濫  
廁子衿冒叨廩餼伏乞師臺收納衣巾申詳學憲除  
名儒籍比跡農流則大縣無踰三十寧乏淘鍊之才  
上壽不過百年幸全樗櫟之質

附學師牒語

自註七月  
初十日

職等伏讀呈詞不勝嗟感俯思此生何以勇決  
至此蓋某品勵珪璋文操領袖才名滿當世而  
出以謙冲猷略策時艱而守惟淵素值輦轂遘  
敷天之痛致臣民啣捨地之悲憾請纓不達終

話山文集卷一

二

軍媿着鞭甘讓祖逖棄握槊為無用期括囊以  
有貞歛經國濟氓之材作投閑養拙之計在職  
等屢勗壯志尚冀振彼鵬霄乃本生堅夫避思  
猛欲棄此雞肋或令曠懷得遂庶幾高節可風

邑師批語

自註七月  
十一日

本生通才博學大用之器憂時憤事激而出此  
理宜勉慰未可遽遂所請儒學再為勸之

邑師叅語

自註七月  
二十三日

看得本生淵學高才年甫及壯壬午乙卷試屢  
冠軍孝友端方宏通博雅境內有無雙之目同

聲推獨主之盟固廟堂偉器非山澤散材也茲  
以國難殊嘗痛深不共感時憤事願繳衣巾其  
詞嚴正其志堅決勸慰再三非同矯激逆之則  
拂其心從之甚惜其用請乞憲裁俯從所請勵  
世維風不無小補

李介止宗師批語

自註韓子堅福建清流入  
辛未進士 九月十六日

邇者國當大變臣無異才崑崙莫扶颺颺盡嘯  
天已墜矣干戈之事無靈面尚蒙馬詩書之氣  
盡死子乃憤食祿佩符之輩甘效赴海投淵之  
行無地可着衣冠有恨難留虜髮若在朝宁是

話山文集卷一

三

太嘗之一流方之古人與巨翁而並駕觀茲勇  
決慰爾遜思末世再觀乎駒芻本道亦慙乎雞  
肋立節如此何忍負之辭見乎出處行藏情甚  
於慟哭流涕世季難言無士江左可謂有人當  
仍青青之衿以膺芟芟之帛照舊廩肆業候表  
揚繳

稟一首

稟黃州尊

康熙戊申  
李六第二

某三載覆幘之下沾濡膏澤沁入心腑不特謫劣無  
能仰荷恩施獲免隕越而瀕行之日不克少展下忱

奉答高厚更蒙隆慈賜之腆賜莠秣有資旅食無恙  
萬里窮員迈駕故里猶獲攀墓木而捧坏土也每一  
念及感與淚俱但卑職有忝一方之責罪戾山積去  
官之後益叢拍摘寸心昭白素蒙明鑒未審得邀座  
終始否某將抵維揚劇病扶行返里之日遂至不起  
今惟廬墓終其身而已旦夕遥祝老大人早登銓憲  
衡量人物澄清流品使某得以不才盡其天年如含  
儒之類各獲其所耳快役張海因夏秋暴水艱於跋  
涉茲月遠之西歸泥首臺下遂至遷延百惟俯宥冒  
勝注切

愆九首

上當事愆

以下崇禎年作

文章模範道德鑑錘起吏部之哀應拾遺之運擘英  
板秀人遊李門論古探奇士歸馬幄大匠執斧樗櫟  
不安於散材造父持鞭駑駘亦思夫逸步雖彫蟲小  
技壯夫不為而知已一言古人所慕重濁居下分固  
其宜糝糠在前性殊不改倘拔雜流之中得冠衆尤  
之上永懷明德口誦瓊琚之篇被服鴻恩身依鵬玉  
之佩自銜而鬻方知干祿之羞不介而孚幸覩作人  
之盛

徵文啓

文章之盛至今極矣然或限方州或秘帳筐是使南  
砂北毳各擅其奇月窟星槎未窮其妙某輒不揣擬  
集同文彙為廣部庶幾春山玉苑合浦珠房為海內  
巨觀云爾屬在金蘭惠然瓊玖

上曹能始年伯啟

南征革  
辛巳下同。

某啟某海濱鈍士越壤庸流少有志於為文長無加  
於博覽窮年矻力未辨一經積歲苦吟何窺十篋尚  
宜閉戶以研思豈暇出門而索友特以陋質自疑必  
須臨鏡朽材莫用亦待運斤遂爾負笈名區推襟碩

諾山文集卷一

五

彥伏惟老年伯臺下熙朝龜鑑名世虬麟口裏雌黃  
秉一時之師表帳中狐白萃百代之風騷瓊枝玉樹  
畫在狄門鶴蓋鸞軒嘗趨謝墅獻書投刺固屬素心  
候路掃門幸逢茲日乃復神山五色終遠塵踪仙蕊  
三花卒迷凡目祇因自顧麤疎難邀青盼無緣介紹  
莫接玄談是以徘徊鳧繹未登孔氏之堂徒倚江沱  
空抱荊州之願興言艱阻永切圖維今日僻遠之邦  
踈離之士莫不仰希咳唾俯竭肺腑况先伯叨名杏  
籍止同氣而分光暨某寄跡荔鄉屬猶子而資敬  
諒陶鑄之無遺冀繩削之必及故敢不匿醜惡謹騰

寫舊冬至今途旅所作詩文一冊上塵台覽倘牛溲  
馬溲間取入於芝囊甕牖繩樞許借依於鳳閣則一  
字之褒榮同被袞片言之獎寵過昇堂鑄德剖胸揚  
芳奮袖拙筆一握托寄鄙思遙望清光山河何極

上香山相公啓

自註  
代

某下邑賤吏分隔崇嚴猥以弘覆不遺曲加提獎感  
深玉石報歎珠環春初擬躡龍門躬趨珂里飾駕駟  
之駕異鞭策以効驅馳挾輪困之村希繩削以就規  
矩迺緣簿書鞅掌俗吏塵埃未獲深胸濯腑饜飮道  
腴頤念隆恩祇驚積戾然江河雖遠豈無歸海之思

話山文集卷一

六

羽翮未修終有因風之願老師相閣下陶冶無方吹  
植有素區區微悃諒屬鑒俞茲違嶽降之辰敬擬嵩  
祝之獻特遣舍弟某俯伏台墀代申鄙款諸生逢掖  
奚繇黃閣之親上相袞章敢云素屋之接伏惟少假  
尊嚴罄竭覩縷慰斗山之望欣遇儒宗同景慶之逢  
快瞻國瑞某以山城僻陋聽睹易張未達厥繇便多  
揣量是以雀躍徒懷鳧趨罔遂倘或燭龍之耀照及  
流螢威鳳之輝庶餘斤鷄則望開薰大誨俾識飯依  
引示將來漸窺堂奧使舍弟獲承面諭即某不啻耳  
提庶幾出自公門易為瞻矚恩無私謝當亦捐糜鶴

蓋龜乘喜迎五莢之慶冰桃雪藕慙展九霄之觴不  
腆是將勿靡為荷

送奩沈以白苧

以下順  
治年作

伏以雲津渡駕帝子乘龍辰律飛臺仙家倚玉擎來  
碧杵作天上之姻緣繫取赤繩聯人間之伉儷月中  
塞桂時屆清秋風首御琴昏占中氣敢因交漆遂繫  
烏羊竊快附喬更御青鳥恭惟老親翁文抒蜀綵筆  
構豫材比王謝之門風素稱賢達方許江之淳行允  
號孝廉豈直成錦雲卿辭誇繡句織簾麟士博擅篋  
書是以機石鋪文庭皆經緯藍田種玉室畫璠璣至

詒山文集卷一

七

如令仲嗣者手援青管口咽丹書聰明小兒尚遲其  
二較書童子纒踰其三適叔度遇荀之年當子韶游  
學之歲寒雲在望卜他日之騰蛟泮水伊期欣及茲  
之跨鳳止求小姓弗鄙寒宗遠慕名流迺適醜女僕  
杞床艾席家惟隱士之風苔帝荆篲閨有古人之訓  
小女棄華尚素雅習虞箴提甕挽車夙聆桓操斧薪  
自昔月老尋盟鍾鼓於今星明迨吉青錢百萬媿乏  
王資真珠一升慚非劉贈竹筍裝遣舊無長物傳家  
水鏡於歸祇有遠量擇婿借團圓之明月裁扇合歡  
拾灼灼之芙蓉燃燈恒滿帳開百子宜式頌於蟬聯



苞合雙星願永言於燕喜爰嗽蕪疏用展芹忱

答陸水部徵詩文啓

自註代

敬啓台臺駮壇牛耳文府驪珠挺秀錫山振聲浙水  
國家棟梁之用必藉乎冬曹天下文章之觀莫大手  
水部所謂梗楠杞梓盡在公門江淮河漢悉歸海若  
者矣某鄙樸無能謬司教鐸法慚安定解媿昌黎頃  
者捧誦瓊函兼拜腴貺特深悚疚莫罄形容敢不傳  
播鼓鐘傾搜帳篋助成狐白仰賴雌黃振一代之藝  
林樹羣英之風範郭有道品題一卷未獲全書白太  
傅門目七層惜遺世次豈若片言即決遂定季寶之

話山文彙卷一

八

名時選所推直重伯騫之識故知丹山集鳳羽翰雲  
翔茶海蟠螭介鱗波屬自當家無韞櫝人競揚鑣肅  
報恐稽彙緘匪遠

上當事啓

丙中

恭惟某官玉鏡高懸水壺遠徹海內指為龍門一時  
共推斗望向來羅拔盡竹箭於東南今日搜揚空明  
珠於海浦苟為樗散寧竊名於爨桐不是璫璣敢望  
知於剖璞茲當童試莫敢先容今則閱卷已畢妍媸  
並呈驪黃悉辨雖一日之短長有異而同氣之枯菀  
難殊崑莫高深盡收流壤媿父兄之善養勉弟子以

學文庶使四曾同出歐門五陸繼聲唐代則良馭一  
顧塞足盡成駿才知音響吹朽竹遂來逸響裁成覆  
載永切洪恩弓冶箕裘母隊先業某等臨楮不勝翹  
注之至

上當事恭 戊

恭惟某官心懸冰鑑手握玉衡為藝苑之摠持作儒  
林之標準文章飾吏治比屋而奏絃歌經術習諸生  
登堂而爛熳讓釣珊瑚於海底鮫人當不愛其珍採  
翡翠於岩阿凡禽敢自惜其羽邑中名俊喜多黃絹  
之才家下諸郎媿乏青箱之學將成蹊於桃李寧下  
採於芻蕘諒特達之有知非先容之可盡第某少從  
壇坫曾聞許郭之言近顧門庭每慕荀陳之教不揣  
鄙陋敢助高深苟或列之前茅庶無謬於左驗憑函  
暢罪執管希榮

與顧茂倫恭 康熙  
壬子

道翁懸冰鑑於千秋持玉衡於六義衣荷帶蕙道遙  
風雅之林拂塵扶筇談笑丹青之圃選樓高唱吹噓  
震澤之雲月里華評剗斷莫邪之劍一出一入離合  
審乎行間或抑或揚浮沉變於筆底固藝苑之主麾  
亦人倫之領袖也茅某夙欽道範渴想玄風每慙枯

朽之材無當匠石之目况乎松枝盡禿莫比鏤銀石  
性本疎非同浮玉捷關善病遂若埒於絕交偃席卧  
遊不自知其昏默是以登高寡賦贈遠無篇則亦長  
謝西園難窺東壁矣第以寒蛩未響亦傳吹於秋飈  
細草無花不辭榮於春旭搜囊中之殘瀋多是嚼餘  
拾燼後之遺編益知才盡敢呈蕪陋上異裁繩吳中  
四姓獨高元歎之名洛下多英莫總雲間之後諒巴  
里之曲不入採於歌謠或瓦缶之聲庶少存其風土  
伏希俯納不任踴惶

附顧茂倫小序

話山文集卷一

十

陸洽原字嗣開號話山平湖人少不好弄弱冠  
沉酣經史下筆警拔有卓識遊西銘先生之門  
西銘嘗與夏考功評論浙中人士各書所見以  
占同異及發所書皆推話山第一相視而笑以  
為不期而符試輒冠軍三中副車如黃海岸陳  
石夫夏韓雲蔣楚珍陳軼符皆於闈中極推許  
以不得雋為恨年纔三十絕意榮進棲遲立園  
有終焉之志識者歎為今之申屠蟠沉泯將十  
載諸策衡者矜其名強之出念母老勉應辛卯  
又中副車時蔣虎臣太史杜登聖侍御咸禮下

之甲午拔雋入成均授汶川令汶彈丸邑孤懸  
羗番中以廉仁得其心未幾丁母艱歸遂廬墓  
不復出學以實踐為本不屑浮譽故詩文不多  
作大槩真率篤摯直寫性情寄託簡潔絕去雕  
繪一如其人云



